

Дюэр най ачалианкичи. Эмдимэ хотончи энэхэни, гойдима хотондиади мочогохани. Нёанчи парасалчи дэнг-дэнг тахачи. Эмдимэ морайни: „Поктова осигору, ми хотончи пэниндэмби!“ Гойдима морайни: „Си поктова осигору, ми дёкчий будуригуэмби.“ Нёанчи гойдамари туй пакпарихачи. Илия най чава ичэрэ, ункини: „Уй пэнинди осини, уй хамаси хадангилайни.“

* * *

Тулиэду би куппун оялани дюэр хусэ чико сорихачи. Эмдимэ кусуни масила бичини, нёани экэчиндимэвэ дабдихани, куппучудиэди пунг-нэгүхэни. Эктэ чикосал тэй маси чикова кэн-дэли хордингохачи, тэнг мактачилохачи. Тэй хусэ маси чико мэнэ масии гой нимкэнсэлбэ-дэ саванкичахани, нимкэнсэлбэ-дэ мэпи макта-чиванкичахани. Нёани сарай оячиани дэгдэхэни, хасардии нэптэ-нэптэ тахани, тотара моралохани: „Хэмтудиэри минчи ичэдиусу, ми хусэ чикова дабдихамби! Ми-мэт кусунку гой хусэ чико эмун-дэ абани.“

Тэй чико туй мактачими-хил эчиэ ходиани, тэй эринду гуси дэгдэхэни, тэй чикова чапак-талара, мэнэ омочии пукчугүхэни.

* * *